

**3 medium 2 topping pizza
pa 15 florin cada un!**

**EASTER
SPECIAL**

Palm Beach / Hotel Area
586-0333
Playa / Tanki Leendert
582-0333
Santa Cruz - 585-0555
Savaneta - 584-0444



**Get the door.
It's Domino's.®**

Ceremonia na Monumento 18 di Maart

Homenahe na pioneronan di lucha



ORANJESTAD (AAN): Fundacion 18 di Maart y partido AVP a duna homenahe na e pioneronan di e lucha pa Status Aparte na e Monumento 18 di Maart. Lider di partido AVP, mr. Mike Eman y presidente di Fundacion 18 di Maart, Mary Wever-Lacle a hiba palabra dunando reconocimiento na e 2147 firmante di e promer peticion pa Aruba haya un Status Aparte. Enter 28 di September 1947 y 11 di Januari 1948 e lider politico Arubano Henny Eman, su yiu Shon A Eman y Aristides Wever a organiza 42 encuentro tur rond di Aruba. Hopi vez den oranan di anochi bao luz lanterna. Un notario (Lampe) tabata presente pa certifica e firmamento y sigura cu tur cu a firma tabata tin derecho di voto. 42 acta notarial a worde traha di e encuentronan aki consitiendo 2147 firma. Ta cu mandato aki e hoben

abogado Shon A Eman a bay Hulanda pa bringa pa Aruba su derecho na conferencia di Mesa Rondo. E peticionan a worde poni den man di la Reina y Shon A Eman a logra pa e conferencia di Mesa Rondo riba 18 di Maart 1948 accepta un mocion den cual pa promer vez Aruba su derecho pa un "Afzonderlijke Status" dentro di Reino Hulandez a worde accepta. Basa riba e lucha aki a bin e promer reconocimiento pa e deseo di autonomia insular. Asina Aruba a bin haya su propio Eilandsraad y Bestuurscollege. Esaki tabata un paso enorme den direccion di e deseo pa ta bas den nos mes cas.

Pa Henny Eman y Shon A Eman e tabata sinembargo unicamente e promer paso den direccion di e Afzonderlijke Status (Status Aparte) cu nan a lucha pe. Cambianan politico

sinembargo a duna despues otro partido poder na Aruba y e lucha estatal a bay for di agenda y Juancho Iraisquin a concentra mas riba e aspectonan economico.

E nacimiento di e lucha lider pa Henny Eman y Shon A Eman cu a cristalisa den e peticion, e mocion di 18 di maart y e promer cambianan estatal pa autonomia insular como base pa nos Status Aparte ta haya su reconocimiento den Monumento 18 di Maart. Aki ta unda e pioneronan di e lucha, e 2147 Arubianonan valente hunto cu nan lider na e conferencia di Mesa Rondo, Shon A Eman ta haya reconocimiento.

Tanto mr. Mike Eman y Mary Wever-Lacle a reflecciona riba e historia aki y Mary Wever-Lacle a duna reconocimiento tambe na Henny Eman (e nieto) como e promer Minister President di Aruba cu a rescata nos pais na momento di su peor crisis. Mary Wever-Lacle a muestra riba e bunita casualidad historico cu hustamente e nieto y yiu di e gran

pioneronan di e lucha a bira Aruba su promer Minister President. Tambe Mary Wever-Lacle a expresa e deseo di mira e dia cu Mike Eman como Minister President lo duna e monumento aki back su lugar den programanan official di gobierno cu Gabinete Oduber pa motibo di un mentalidad mesquino ta purba di ignora.

E lider di AVP, mr. Mike Eman a pidi e presentenan atencion special tambe pa veterananan grandi di politica Arubano presente Dominico

Guzman Croes y Albertico Arends. Tambe mr. Mike Eman a duna reconocimiento na Chomi Yarzagaray kende si yiu mr. Ricky Yarzagaray tabata presente tambe na e ceremonia na Monumento 18 di Maart. Tambe e lider di AVP, mr. Mike Eman riba 18 di Maart na Cas di Partido a pidi reconocimiento pa special Padu Lampe presente cu a cana scouder cu scouder cu Henny Eman y Shon A Eman y su nomber tambe ta graba riba Monumento 18 di Maart.

CITY 1
- CITY ONE -
SPECIAL PA DEN SIMAN
DIALUNA PA DIAHUEBS
TEL: 583-3888